

賢學雞澤令卽是其見重如此後卒于官無以爲  
歛諸監司厚賻之其子一磨辭不受一磨字仁甫  
登嘉靖乙丑進士有邁往拔俗之韻雖不竟其用  
蓋無愧其家風云

丘鏊字朝洪武進人宋文定公密後性簡伉而才甚  
高視天下人多齷齪不可語視天下事率瑣尾不  
足爲爲古今文辭必人所不經道語年十二喪父  
與弟鏊廬墓三年年二十八登嘉靖戊子鄉書家  
日窘儉資羞脯以養父僦學醫俱以懶罷三上春

官不第棄去制義日坐小亭殘竹數竿遺編數帙  
環堵缺不治久之遷居東寧陽教諭一切饋遺辭  
不受士甚德之不久病卒貧不能歛兵備史某贈  
之金乃克棺殯以歸唐中丞割田爲治墓乃克葬  
唐順之字應德珣之子弱冠舉嘉靖二十五年試第一  
楊公一清奇其才將魁廷試索所對策不應寘二  
甲授兵部主事丁內艱起補吏部尋改翰林編修  
時永嘉當國稱病求去勒令以主事致仕旣而簡  
宮僚起補春坊司諫與贊善羅洪先校書趙時春